



UNIVERSITÄTS-
BIBLIOTHEK
PADERBORN

**Philagiae Drey Tagreisen/ für die kürtzere Geistliche
Versammlung oder Erneuerung/ welche Gottseelige
personen ein oder zweymal im Jahr pflegen anzustellen**

Barry, Paul de

Cölln, 1648

Examen Vber die innerliche Sinn.

Nutzungsbedingungen

[urn:nbn:de:hbz:466:1-59558](https://nbn-resolving.org/urn:nbn:de:hbz:466:1-59558)

Examen vber die innerliche Sinn.

Mache den anfang von der Einbildung. Begierest du deine Fantasey wol/ vnd haltest sie mit sonderbarem fleiß vnd fürsorg ab 1. von allen vngewürlichen/ 2. von nârzischen/ 3. von vnützigen vnd vergeblichen/ 4. von rachsigen/ 5. von weltlichen vnd vngereimten einbildungen/ vnd fürstellungen/ 6. von solchen fantaseyen vnd fürbildungen / welche nach eitelkeit/ nacht frasz vnd geiz schmecken?

Schreite fort zum zürnenden Appetit vnd begierlichkeit/ vñ erwege wol/ 1. Ob du auch ohne vrsach zornest vnd erhizigt werdest. 2. ob solches von wegen einer geringen vrsach geschehe. 3. ob du deine Choler vnd zorn mäßigest. 4. ob du herzhafft vnd mit tapferem gemü. h angreiffest/ was rechtmäßig vnd gut ist. 5. ob deine künheit vnd vnverzagheit Christlich sene/ vnd deiner seelen zum besten. 6. ob sie gehe auf hohe ding/ vnd dich zur Heiligkeit vnd vollkommenheit befördere.

Was den begierlichen Appetit belangt; besinne dich 1. Ob deine Lieb wol geordnet/ vnd mäßig sene. 2. Ob du einigen widerwillen vnd haß empfindest/ vnd

vnd wie du dich dißfalls verhältst. 3. Ob du gar zu hefftige vnd starcke begirden habest. 4. Ob deine frewd vnd trawrigkeit nicht zu groß vnd straffwürdig seye. 5. Ob du hoffest wie sichs gebürt in dem du deine Hoffnung wol anlegest / also daß du dich nimmer von der verzweiflung lassst überwinden. 6. Ob du nicht gar zu sehr fürchtest / das nicht zu fürchten ist.

Demütige dich. Bitte vmb verzeihung / vnd mache ein steiffen fürsatz der besserung.

Wanns die zeit leidet / so lese etwas wenigß auß der Nachfolgung Christi / wie es am ersten fürkomt. Besuche das hochw. Sacrament. Nach dein Examen, vnd gehe zu Tisch.

Nach gehaltenen Malzeit vnd Recreation besuche das h. Sacrament widerumb / vnd darnach gedencke / ob alles fertig vnd bereit seye / wan du jetzt soltest sterben müssen. Fahre fort in Lesung deiner Andachten vnd guten fürsätz / wans vñlleicht gestern nicht alles hettest überlesen. Endtlich begib dich auß folgende Bedencken ; doch daß du nicht vergessest die fruchten diser Versammlung außzuzeichnen.



Bedencken vom Fegfeuer /

für den Dritten Tag der Recollection.

I. Ich glaub zwar / daß die Barmhertzigkeit Gottes groß seye; aber seine Gerechtigkeit ist darneben viel strenger vnd schärpffer / als man ver-